

(Arch.)

76

p

Arch 76P

<36604837690013

<36604837690013

Bayer. S

Arch. 7.6 12

DE VASCVLIS LIBELLVS,
ADVLESCENTVLORVM CAV-
SA EX BAYFIO DECERPTVS
ADDITA VVLGARI LATINA-
RVM VOCVM INTERPRETA-
TIONE.



P A R I S I I S.

Ex officina Roberti Stephani typographi Regij.

M. D. X L I I I.

Je

**Bayerische
Staatsbibliothek
München.**

QUESTI sunt his diebus apud nos aliquot pueri bonarum literarum desiderio, quātum ipsi iudicare potuimus, ualde affecti: se nō omnia intelligere quæ in libello Bayfij de uasculis continerētur: uehementēque cupere, ut quemadmodum ille uir doctus, eruditioribus & bene literatis operam dederat: eadem quoque ratione efficeret, ut iuniores tyrunculi, saltem aliquid utilitatis & emolumenti ex eius uigilijs perciperent ac sentirent. Quod cum ille audisset, ut est certe incredibili humanitate præditus, & publicæ utilitatis amantiss. facile passus est suum libellū in breuem quandam summulam contrahi, quemadmodū in re uestiaria non multis ante diebus factum fuerat, in gratiam adolescentulorum. Neque enim (ut intelligas Lector) eo est uir ingenio, qui sibi tantum tribuat, ut doctos solum & eruditos amet, puerorū ingenijs non faueat. cuiusmodi fortassis erunt nonnulli qui suam eruditionem tanquam arcanum quiddam & diuinum uideri cupiunt: neque uulgo palam esse, ne forte grauitatis & authoritatis suæ iacturam faciant: quasi uero sibi tantum & doctis nati essent. Illud scimus, tantum laudis fœnus non parere scriptum aliquod insigne apud rudes & tyrunculos, quantum apud eruditiores & magis literatos adferre soleat. Præterea non modicam iacturam docti alicuius nomen facere, siquādo scriptum suum temere a quoquam inuertatur atque immutetur, quinetiam corrūpatur potius, dum ille puerorum studijs bene consultum putat. Hoc certe neminem latere

A.ij.

puto . Et sunt mea quidem sententia plusquam plagiariorū poena digni, qui huiusmodi furtis delectantur, Et sibi nomen ac laborē alienum attribuunt: nisi id quidem ab authore prius id impetrarint, atque eius animum ad puerorum studiū inclinarint. Quemadmodum sanè de hoc libello, ut de priore quoque, diligenter à nobis factū est. Nō enim vir gravis, Et Senatorijs negotijs præpeditus, qualis est noster Baysius, animum suum, altiora subinde cogitatem, ad hæc puerilia tam facile demittere potuisset. Tantum hoc, incredibilem eius humanitatem erga adulescentulos bonarum literarum desiderio flagrātes, testatur: quòd eorum causa, non permittat solum, sed etiam alteri negotium committat, ut libellus suus puerorum ingenijs aperiat, Et lucidior fiat, atque in compendiū redactus, uulgaria uasculorum nomina illis indicet. Quod factum siquidē tibi placebit lector, est unde Baysium semper laudes, Et ames.

S V M M A R E I V A S C V L A R I A E
E X B A Y F I O .

De uasis significatione.

I N C I P I E M V S ab ipsa uasis significatione, deinde uero, ad uasorum appellationes ex eorū differentijs ac generibus petitas, certo ordine progredimur. Sed ne quid lectorem lateat,

aut reuolueretur, admonendus est, ea tantum Bayfij esse quæ B literam subsignatam habebunt. Cætera ex uarijs authoribus quæsitæ: ne quid in hac parte ab adolescentulis desiderari possit, quod ad uasculorum genera pertinere existimabunt.

Vas, Vng uaisseau, quod antiqui uasum dixere, (quo etiam nomine Cato & Plautus utuntur) id significat quod uel liquorem uel quidpiam aliud continet in usum nostrum: uel etiam quo liquorem aliquem haurimus, siue haurire significet Puyser: ut Haurire aquam ex puteo: siue quod uulgo dicitur, Humer, ou aualler: ut, -ille impiger hausit

Spumantem pateram. Il en aualla une pleine tassee, sans se faire prier. Ea uero ratione primum ab hominibus inuentum & excogitatum uas fuisse puto, ne manus uasculorū officio semper fungentes, identidem uarijs liquoribus inficerentur, dum interdum etiam impurissima quæque manibus tractanda sunt. præterea usus & utilitatis gratia, alioqui diuturnum ignis calorem manus perferre cogerentur, & in profundissimas lacunas demitti, siquidem uasorum usum sem-

A. iiij.

per præbere illis necesse esset.

Vasculum, Vng uaisselet, ung petit uaisseau, uasis diminutivum, quo non solum ad diminutionem significandam utimur, sed etiam ad ornatum. Græci autem τούχην καὶ χούματα uocant, quæ nos uasa & uascula dicimus.

Vasarium dicere possumus ex Cicerone, Vng bufset, quod Itali appellant Vna credentia, nempe uasariam supellectilem & gazam ac diuitias aureas & argenteas quas principes nostri in uarijs uasorū cælaturis collocare solent: ut nostro tempore tum demum opulentissimus habeatur princeps, cuius mensa innumeris uasorū diuitijs scatet. Budæus exactissimū ingenij uir, & iudicij admodum expurgati, tertio libro de Asse, uasarium apud Ciceronem pro lege Manilia accipi contendit, pro ijs quæ antiquitus publice dabantur magistratibus, ut sunt muli, equi, uasa, & reliqua quæ magistratus instrumentum implerent. quod probat ex alio eiusdem authoris loco, pro lege Agraria. Intelligimus præterea uasarij nomine pecuniam publice dari solitam magistratibus euntibus in provincias, ex qua sibi necessaria compararent, quod Augusti tempore Senatusconsulto constitutum est. Vide Budæum.

Vascularius, qui uascula argentea & aurea facit. Sūt enim inter aurifices, uascularij, cælatores, inauratores, & bractearij, Des orbateurs: id est, qui aurum malleis tusum, & ad quauis leuitatem ductile rebus inaurandis inducunt. Budæus.

Vasculorum autem & poculorum sculpendorum ars à Græcis Toreuticæ dicta est, à uerbo τορῶω, quod

est torno, conficio. Tornus autem fabrilis instrumentum
est, quod vulgus vocat Vng tournouer. Itaque toreutice
sculpturam, uel ut aliqui loquuntur, sculpturam com-
pletetur. Vnde Toreumata huiusmodi opera dicun-
tur, aut sculpta, aut cælata, ex quacunque materia
quæ in delicijs habeatur: quo uerbo Cicero, Sallustius,
& reliqui utuntur. Mart.

Solus Phrydiaci toreuma cæli,

Solus Mentoreos habes labores.

Quod autem toreumata torno fierent, & ex quacun-
que materia, id ostendere uidetur locus Virgilij tertia
Ecloga, - pocula ponam

Fagina, cælatum diuini opus Alcimedontis,

Lenta quibus torno facili superaddita uitis.

Cælum enim, Vng burin, ferrum est sculptorium,
& instrumentum cælatoris. A quo cælata uasa dicun-
tur, in quibus arte sculptoria descripta erant insignia
quædam opera, Vaisseaulx ouurez, entaillez, labourez
d'orfeurerie. Plin. lib. 34. cap. 7, Duo pocula Calamidis
manu cælata æmulatus est, ut uix ulla differentia es-
set artis. De Zenodoro loquitur, scientia fingendi cæ-
landique nulli ueterum postposito. Budæus tertio de
Asse, Magnificam æstimatricam cælaturæ priscam æ-
tatem fuisse oportet, quæ uasa cælata in singulas li-
bras senis sestertijs emeret, id est centenis & quin-
quagenis aureis nostris. Mirum autem est in auro
cælando inclariuisse neminem: argento, multos: qua
in arte maxime laudatus est Mentor, de quo supra di-
ximus: unde labores Mentoreos vocat Martialis. At
uero argentum apud antiquos, hominum sermone ce-
lebratius fuit.

A. iiij.

De uarijs uasorum appellationibus.

Aforum appellationes uariæ, aliæ quidem
 V à materia sumuntur ex qua conflata & con-
 fecta sunt: ut aurea, argentea, ærea, lignea,
 fistilia, uitrea, crystallina, murrhina. aliæ uero ab u-
 su & utilitate quam præstant, ut à potu potoria. aliæ
 autem ab ijs rebus, quas continere solent, nomina ac-
 ciunt, ut ab escis escaria, à uino uinaria, item &
 aquaria & niuaria, & ab unguentis unguentaria:
 sic etiam à promulside, promulsidiaria. aliæ insuper
 à forma quam referre uidentur, ut à modij similitudi-
 ne, modiolus: & à cymbæ forma, uasa cymbia. aliæ
 præterea, à quibusdam locis in quibus præstantiora
 uasa fiunt, uel è quibus materia adfertur excellentior
 ad ea conficienda, ut à Delo & ære Deliaeo, uasa
 Deliaea: à Corintho & ære Corinthio, uasa Corm-
 thia: eadem quoque ratione Samia & Aretina. Quas
 omnes differentias, unà cum ipsis uasorum nomini-
 bus suo ordine describemus. Ac primum ipsarum dif-
 ferentiarum genera exequi necesse est, priusquam ad
 specierum diuisionem ac declarationem descendamus.

V A S A A U R E A.

Aram auri mentionem apud antiquos repe-
 R riri, & rariorem etiã quam pro nostri tem-
 poris opulentia, quemadmodum in auro cæ-
 lando inclariuisse paucos, aut neminem, contendit no-
 ster Budæus lib. 3. de Assè. Itaq; uasis aureis rarò usos
 fuisse ipsos ueteres compertum est, magis enim argen-

to delectabantur. Sed posteaquam, inquit Plinius lib. 33. cap. 11, Asia primum deincta, luxuria in Italiam immessa est: aurum magno in pretio haberi cœpit. Siquidem L. Scipio in triumpho transtulit vasorum aureorum pondò C millia.

Poculum aureum, Vne coupe dor. Plinius scribit Philippum regem poculo aureo puluino subdito dormire solitum. Cic. in Verrem, Tum illa ex patellis & thuribulis quæ uellerat, ita scite in aureis poculis illigabat: ita apte in scyphis aureis includebat, ut ea ad illam rem nata esse diceret. Que tu eusses dict qu'ilz eussent esté faictz tous propres a cela.

Patera aurea, Vne tasse dor. Virgilius,
-ille impiger hausit

Spumantem pateram, & pleno se proluit auro.

Hoc est, hausit plenam pateram auream uini. Il beut tant qu'e une grande tasse pouuoit tenir.

Aureus guttus apud Liuium, Argenteo pollubro, & aureo gutto.

Aureis præterea uasis uentris onus excipiebant ditiores antiqui, quod de Heliogabalo refert Lampridius. Mart. in Bassam,

Ventris onus misero, nec te pudet, excipis auro

Bassa, bibis uitro. B. Cætera in uasorum speciebus dicemus.

V A S A C A E L A T A.

Afa cælata, Vaisseaulx entaillez, in quibus

V uasculariorum & cælatorum artificio insculpebatur uaria signa & simulachra deorum. Plin. lib. 33. cap. 12, Ulyxes & Diomedes erant in

emblemate phialæ. Emblemata autem, ut illud obiter tangamus, ætas nostra non novit: fitque cum inter-raso, ut inquit Plinius, ligno uel marmore, aliud quiddam uel aurum uel argentum uermiculato opere eleganter conseritur, & aptatur, ad uariarum rerum effigies. Ita quoque ornabantur uasa emblematis; dictis ἀπὸ τοῦ ἐμβελῆσθαι, quod uasis adijcerentur, & reuellerentur, cum libitum erat. Hinc est quod Cicerō Verrem criminatur, qui uasorum Haluntini emblemata reuulserat, atque adeo pretiosissimam eorum partem & toreumata abstergerat impudentissimo latrocinij genere. Sicque, inquit Cicerō, Haluntini excussis delicijs cum argento puro domum reuertuntur. Itaque emblemata, insertum & insitum quid in æreo aut argenteo uase significat, quod pro ornatu temporario & exemptili ponitur: uulgus paramentum uocat. Videto diligenter Budæum & Bayssium.

Illigabantur & aureis crustis uasa argentea & cymbia & alia, quæ incrustata uel crustata dicere possumus, Esmaillez; atque ab eiusmodi crustis, crustularij dicti, quorum artificio uasa crustulis illigabantur. unde & incrustare dicimus. Horatius, Syncærum cupimus uas incrustare. Cæterum uasa aureis crustis illigata Martialis in sexto uocat chrysendetæ. dicuntur & lances chrysendetæ ab eodem in apophoretis. Bayssius.

Sigillata quoque uasa dicebantur, sigillis quibusdam ornata. Autour desquelz estoient de petites images enleuees en bossé. unde scyphi sigillati apud Ciceronem in Verrem. Signa autem siue sigilla Græci ἀγάλματα καὶ ἀρχαμᾶτια dicunt, suntque ueluti si-

mulachra uel deorum uel etiam heroum aut animalium quibus circunquaque uasa exornari solebant, Græci ἱερὰ βῆμι uocant. B. unde Virgilius, Cymbiâque argento perfecta atque aspera signis. cymbia signis aspera dixit, hoc est sigillata. Idem alio loco, Cratera impressum signis. hoc est, inquit Seruius, impressa signa habentem, id est emblemata. Cæterum signa illa ab excellentia nomen accipiebant, ut signa Corinthia, hoc est quæ in Corintho fiebant. Plin. lib. 34. cap. 8, Signis quæ uocant Corinthia plerique intantum capiuntur, ut secum circumferant. paulo post autem ait, Minoribus simulachris signisque innumera prope artificum multitudo nobilitata est.

Vasa autē pura dixit iureconsultus, atq; adeo ipse Cicero, pro ijs uasis quæ cælata non sunt, neq; ullis ornamentis decora, quæ uulgus uocat A plain ouuiraige. B.

Vasa ἀνὰ γλυφᾶ, Grossement entaille, uocat ea Plinius lib. 33. cap. 11, quæ rudia sunt, & in asperitatem excisa ac cælata: hoc est non leuia, & cælaturis inæqualibus eminentibusq; incisa: ab ἀνὰ καὶ γλύφω. Deinde uero ait Plinius, circa linearum picturas uasa anaglypha curiosius fieri solere. quod intelligendū uidetur de ijs uasis, quæ per commissuras, lineas aureas uel argenteas habent: ut idē author interpretatur. Rudia illa uasa uulgus uocat, Faictz a la grosse mode.

Quod superest de cælaturis, ex priori capite repetito: tantum enim hîc ordinem obseruamus.

V A S A A R G E N T E A.

- V Asa argentea, Vaisselle d'argent, in usu frequentiori erant apud antiquos quàm aurea. Vi-

lius enim argentum est auro, ut inquit Horatius. Fiebant autem multis modis. Quinetiam uasa argento circumclusa ab labris dixit Iulius Cæsar 6. belli Gallici: Hæc, inquit, studiose acquisita, ab labris argento circumcludunt, atque in amplissimis epulis pro poculis utuntur.

Scyphus argenteus, Vne coupe d'argent. Plinius refert Lucium Crassum duos scyphos argenteos habuisse, Mentoris artificis manu cælatos: confessusque est nunquam se ijs uti propter uerecundiam ausum. erant enim centum sestertiorum pondò: quemadmodum eundem sex millibus sestertium in singulas libras uasaempta habuisse refert idem Plinius. Sed de scyphis uberius in uasis uinarijs et potorijs ac poculis dicemus. Cæterum primus Heliogabalus, si Lampridio credimus, cacabos argenteos, et mensas ac capsas argenteas, priuato usui habuit.

Lanx argenteus, Plat d'argent. Lances centenis libris argenti quingentas numero Romæ fuisse constat ex Plinio: multisque ob eas conscriptos dolo concupiscentium. De Lancibus autem dicemus suo loco, cum de escarijs uasis agemus.

Solium argenteum, Vne cuue a soy lauer. Mulieres, inquit Plinius, in balneis solijs argenteis utebantur ad luxum. Quemadmodum etiam scaphijs argenteis, quæ uasa erant ad lotium excipiendum dedicata, quibus etiam argenteis utuntur hodie uiri Galliarum primarij.

Repositorijs argentum addi sua memoria coeptum referre Fenestellam ait Plinius lib. 33. cap. 11. Itaque huiusmodi repositoria argentata non argentea uocabantur.

mus : nempe emblematis argenteis ornata & illigata; de quibus infra dicemus. Quinetiam idem Plinius refert Calvium oratorem suo tempore queri, quod uasa etiam coquinaria ex argento fierent : ita enim loquitur. Ceterum pateram argenteam, & pocula argentea, & crateras argenteos pro calaturæ atque operis forma dicere possumus : quæ omnia uasorum genera suo ordine à nobis explicabuntur.

V A S A A E R E A.

Aſa ærea ſive ænea Plinio, & Virgilio *ahena*, Vaiffelle d'arain ou de cuyure, ab æris nobilitate & exællentia nomen acceperunt.

Adde quod ahena absolute pro cacabis æreis accipiuntur, in quibus aqua igni admouetur ut caleſiat, Vng chauldron. Virgilius,

Auc folijs undam tepidi deſpumat aheni. Horat.
Sub noctem gelidam lignis caleſactat ahenum. AERIS autem tres à Plinio ſpecies potiſſimum enumerantur: Corinthium, à quo uasa Corinthia apud Ciceronem quarta actione in Verrem: Deliacum, à quo uasa Deliaca apud Ciceronem pro Sextio: & AEGINETICUM. Sed omnium præſantiſſimum eſſe puto Corinthium. nam æris notam pretioſiorem ipſa opulentiſſimæ urbis fecit iniuria : quia incendio peruſtis plurimis ſtatuis atq; ſimulachris, æris, auri, argentiq; uenæ in commune fluxere. Fuit etiamnum antiquiſſima gloria æris Deliaci. Vnde Deliaca ſupellex à Cicerone dicta, Meſnaige d'arain, in qua erant triclinia & lecti, cum pedibus & fulcris ex ære Deliaco factis. Vasa autem Corinthia Strabo in οὐκτινο χαλκῶματῶν νο-

πυρίον πρῶν appellare uidetur. B. Plin. lib. 34. cap. 2. Sunt ergo uasa tantum Corinthia, quæ isti elegantiores nunc æs sculpendo transferunt, modo in lucernas, modo in trullas, nullo munditiarū respectu. Quin etiam Cicero in Paradoxis matellionem Corinthium dixit, ære Corinthio factum. Itaque ex Plinio lucernæ, lychni, & lampades ex ære fiebant: sed non usque adeo puro, nisi propter luxum: nam qui lucernis Corinthijs utebantur, præter communem utendi rationem faciebant: ægineticum enim æs, ut idem inquit, lychnuchis, candelabris, & huiusmodi uasis ignobilioribus conflandis dedicabatur: de quibus suo ordine dicemus. Fuit & æs Cyprium laudatissimum apud antiquos, unde fortassis nos cuprum uocamus pro ære Cyprio. Plin. Teritur Cyprio ære in Cyprijs mortarijs. Mortiers de aryure. Quinetiam Cyprium absolute pro cupro, quod uocamus, posuit Plinius libro 36. cap. 26.

Labris quoque ahenis utebantur antiqui in balneis, Vne tinne de aryure, quibus nunc quoque Germanicæ mulieres etiam utuntur ad abluendos quibuslibet octonis diebus infantulos suos: & nos quoque æstuo tempore labris ahenis frigida oppletis uinaria uasa reponimus dum cœnatur. Virgilius, sicut aquæ tremulum, labris ubi lumen ahenis Sole reperlussum, aut radiantis imagine lunæ.

Vasa conflabilia, Vaisseaulx de fonte.

Conflabantur enim uasa ærea delictiora & sonora apud antiquos: quæ in theatri reponi solebant pro ratione magnitudinis theatri: eaque ita fabricata erant, ut cum tangerentur ab ipsa nocte, sonitum fa-

cerent inter se diapaſon, diapente, ex ordine ad diateſſaron. Vitruuius lib. 5. cap. 5. Itaque uox à ſena uti à centro profuſa, ſe circumagens, tactumque feriens, per ſingulorum uſorum caua excitabat auctam claritatem, & concentu conuenientem ſibi conſonantiam. Nihil enim eſt in omnibus metallis quod ſono & harmoniæ ac uoci aptius ſit quàm ipſius æris materia. Hinc eſt quòd tubæ bellicæ æræ potiffimum factæ ſunt, ut etiam Virgilius æs pro tubis ponat: -quo non præſtantior alter AËre ciere uiros. hoc eſt tuba. Dicerem hoc loco quemadmodum æs pro pecunia apud antiquos ſumi ſolebat: quoniam primum ærea pecunia fieret. Sed uereor ne illud eſſet a-proſdionyſum: quapropter ſatius eſt ad reliquas uſorum differentias tranſire.

V A S A S T A N N E A.

V Aſa ſtannea, Vaiffelle d'eſtain, antiquis in uſu non fuiſſe reperiò. Quinetiam non ita pridem apud Italos commigrauit hic uſorum uſus, ut culinaria uafa, ſtannea fierent: neque uero adhuc hodie omnibus communis eſt: fictilibus enim & uitreis potius utuntur quidam. Gallis uero iam pridem hic uſus inoleuit: quo & rei domesticæ & ſumptibus parçitur.

De ſtanno autem tantum hoc refert Plinius, Stannum illitum æneis uafiſ, ſaporem gratiorem facere (quapropter uulguſ quoque noſtrum ollas iuſcularias, Potz & ſoupe, ſtanno illinit) item & compescere æruginis uirus. Vnde hydrias & uafa aquaria, ſi-

quidem ænea sint, stanno intus illinimus : mirūque est, stannum æri illitum, pondus non augere. Fiebant quoque apud antiquos specula ex stanno laudatissima, quæ Brundusii temperabātur, donec argenteis uti cœpere & ancillæ. Plin. lib. 34. Stannum præterea Homerus uocat Cassiteron Iliados 6. Vnde Cassiterina uasa eleganter dicere poterimus, pro stanneis.

V A S A P L U M B E A.

Lumbi usus ad uasa infrequens fuit apud antiquos, ut etiam apud nos quoque: propter metalli pondus & utilitatem. Cæterum uasis plumbeis tantum utimur ad odores conseruandos: & unguēta atque alia quævis liquida pretiosissima. Itaque capræ illius syluestris excrementum usque adeo odoratum, quod moschum uocant pharmacopœ, in pixidibus plumbeis reponere solent: & diu admodū, incorruptum seruare. Præterea Regum corpora capsis & sarcophagis plumbeis, unctis, & aromatibus illita Galli humi recondere solent: sua enim densitate prohibet plumbum ne odor internus effluat & dissipetur, neue externus aer illabatur: quæ ratio est cur corpora imputria diu seruantur. Sed nunc locus non est ut de plumbo plura dicamus: huius autem rei qui plura desiderabit, requirat apud Plinium lib. 34, ubi de argento plumbato & replumbato loquitur: nempe dum plumbum ab eo auellitur, & argentum purum relinquitur. præterea etiam de plumbatione uel potius plumbatura, hoc est, quando plumbo massa massæ iungitur, ita ut iūctura plumbea cohæreat, quemadmodum fit & ferruminatio.

V A S A L I G N E A.

Asa lignea, Vaisseaulx de bois, multis modis,
 V uarijque lignorum materijs, apud ueteres
 fiebant, quemadmodum nunc quoque fiunt.
 fuit enim fagi honos præcipuus in uasis, Du fau, ou
 du hestre, propter eius lentorem plicabilem : fiebant-
 que ex fago pocula elegantissima tornata, et arte to-
 reutica cælata. Virgil. -pocula ponam
 Fagina, cælatum diuini opus Alcimedontis.
 Cuiusmodi fortassis sunt ea pocula quæ ex æde D.
 Claudio sacra adferuntur. Cæterum memini me le-
 gisse M. Curiū iurasse se ex præda nihil attulisse præ-
 ter guttum faginum quo sacrificaret. faginum præ-
 terea Cantharum describit Strozza pater, -hinc fa-
 ginus illi Cātharus, effundit glocitanti pocula collo.
 Virgilius insuper buxum tornatile appellat, quod eo
 fiebant unguentariæ pyxides, et alia huiusmodi to-
 reumata, quæ buxea uasa appellare possumus. Buxo
 etiam fiebant laudatissimæ tibiæ. Seneca,
 -tibi multifora tibia buxo Solēne canit. Betula itē,
 Bouleau, arbor est eximij candoris qua fiunt circuli uas-
 sis uinarijs idonei. Vtilis etiam est conficiendis cistis et
 sportellis flexibili cruce. eius ligno nostra ætas uarij
 generis et usus quoque uasa conficere solet : quæ (si
 quidem nobis liceat noua effingere uocabula) uasa be-
 tulina appellabimus, Vaisseaulx de bois blanc.

Vasa quoque hederacea antiquis in honore maxi-
 mo fuerunt, ea potissimum ratione qua Plinius ait in
 uase hederaceo uinum transfundi, aquam remanere,
 si forte commixta sit. Cuiusmodi fuit uas illud quod Ho-

B. i.

merus Cissimbium appellat (Græci enim κισὼν hederam uocant) datumque fuisse Cyclopi ab Ulysse scribit. Huius poculi Euripides & Callimachus apud Macrobium meminerunt. Fiebant etiamnum ex terebyntho calices excellentissimi qui à nomine authoris θηπικλαοι appellabantur: quemadmodum Antigonides & Seleucides, quibus Antigonus Seleucisq; nomina indiderunt. Plinius, Celebratur & Thericles nomine, calices ex terebyntho solitus facere torno. B.

V A S A V I T R E A.

Vitreorum uasorum usus quæ Græci ὑάλινα uocant, haud ita pridem inuentus est. Vitrum autem quando primum inuentum & quomodo conflatum, Plinius recenset lib. 34. cap. 24. Neque uero alienum fuerit uasa potoria quæ ex uitro fiunt, unâ cum uulgo uitra appellare: quemadmodum Martialis uasa crystallina, crystallâ appellat. Itaq; si quidem uitrea uasorum materies ex filice conflata fuerit, uitra filicea siue filicina appellabimus. si uero lapidibus uis, ut ferè fit, uitra erunt lapidea, atque in hoc communem loquendi usum non aspernabimur.

Vasa uitrea excellentissima laudantur hodie ex Murano oppido Venetijs proximo, in ipso Adriatico mari.

Calices uitrei, uasa erant potoria quemadmodum etiam nobis, quorum formam imitantur sacrosancti illi calices quibus nostri seniores in sacrificijs diuinis utuntur. Vulgus uocat Vng calice. Quod autem calicibus biberent antiqui, id ostendit locus Horatii:

Fœcundi calices, quem non fecere disertum?

*Cæterum calices vitrei à Græcis uerbum è uerbo νύ-
λινες ὑάλινοι dicuntur, authore Iulio Polluce. Erat
et Nimbis vitreus, cuius mentio multa apud Mar-
tialem. B.*

V A S A C R Y S T A L L I N A.

*Crystallum fieri aiunt gelu uehementiore
C concreto, argumento esse non aliubi repe-
riri, quàm ubi hybernæ nives maxime ri-
gent, glaciémque esse, unde nomen Græci dederunt.*

*Ex crystallo autem uas amphorale uisum est, au-
thore Xenocrate.*

*Asyntheta Plinius author est, uocari uasa crystal-
lina pura, sine ulla macula et uitio: uitia enim arti-
fices cœlatura occultant. Iumen. Grandia ponuntur
crystallina. De poculis intelligit, quæ ex crystallo fieri
solebant. Martialis in 3,*

Opimianum morionibus nectar

Crystallinisque, murrhinisque propinat.

Idem in decimo, crystalli, pro crystallinis uasis dixit.

Plura qui uolet, requirat ex Plinio.

V A S A M V R R H I N A.

*Vrrhina pocula antiquis laudatissima fue-
M runt, quemadmodum crystallina: refertque
ea Plinius ex Oriente mitti: inueniuntur
enim ibi in pluribus locis, nec insignioribus Parthi-
ci regni, præcipue tamen in Carmania. amplitudine
nusquam paruos excedunt abacos, crassitudine rara,
quanta uasi potorio esse debet. Humcrem putant sub*

B.ij.

terra calore densari. Quod autem in murrhinis magis laudatur, est ipsa colorum uarietas, subinde circumagentibus se maculis purpureis & rubescentibus, lacteis, quas maculas uidere est in illo pisce qui murrhena dicitur: unde murrhina uasa dicta crediderim. B.

Murrhina uasa ætas nostra non nouit: tantum hoc memini, me uidisse Venetijs quedam uascula quæ ex Oriente adferri solere audiebamus: aiebantque nescio quot annos in penitioribus terræ locis asseruari solere, priusquam exerantur donec pelluceant, atque ob id uenenum nunquam admittere. uulgus porcellanam uocat, ob id fortassis quod ex eo puluere quem Plinius puteolanum uocat, quique in aqua indurescit ac lapidescit, efficta erant, ut dicantur quasi puteolana, ab Italis. Sed nihil huius rei compertum est nobis præter diuinationem. Murrhinum autem quid sit, nescio an recte conijcere poterimus eum esse lapidem pretiosum, quem uulgus uasculariorum uocat aquam marinam. accedit enim ad descriptionem Plinij, quam de murrhino conscripsit. Cæterum illud tantum addam, uasa murrhina apud antiquos summo in pretio fuisse. hinc ait Tranquillus Augustum ex Alexandria capta nihil sibi præter unum murrhinum calicem ex instrumento regio retinuisse. De his autem uide-to Plinium.

V A S A L A P I D E A.

Iebant & apud antiquos uasa lapidea, in
 F multos usus, & ex delicatissimis potissimum
 lapidibus, ac marmoribus pretiosis: qualia
 erant quæ ex onyche marmore Arabiæ pretiosissi-

mo fiebant. ut uasa potoria apud Germanos primum onychina facta refert Plinius. demde pedes lectorum & sellas ex eodem marmore cœptas fieri dicit. Cornelius Nepos tradit magno fuisse miraculo, cum P. Lentulus Spinter amphoras ex onychino marmore & urceos onychinos magnitudine cadorum ostendisset. Est & præter hunc alter quoque pretiosus onyx quē cornalinam uocat uulgus. Vide Pliniū. Dicitur onyx quod formam unguis humani habere uideatur.

Quinetiā labra ex porphyritide ab antiquis fieri solere ostendunt antiqua illa monumenta, quæ adhuc hodie Romæ uisuntur, præsertim circa ædem D. Iohānis in Laterano. Sūntque eius propemodum formæ ac coloris, cuius est uas illud marmoreum quod hodie in Dionysiana uisitur, cupam Diocletiani uulgus appellat. Ego uero labrum antiquum fuisse existima-uerim. Erat autem labrum, uas balnearium, quemadmodum & solium. Cic. Terentiæ, Labrum si in balneo non est, fac ut sit. Vne tinne. Inde labellum, Vne tinnette. Plin. Cineremque in labellis, aqua addita confricant manu, & considerare patiuntur. Labra quoque uinaria, lupinaria & olearia Catoni, in quibus lupini conduntur & in quæ uina è lacu, oleum è cortina transferuntur. Fiunt quoque apud nos mortaria lapidea in quibus uaria aromata contundimus. Hūc præterea, inquit Plinius alabastriten lapidē uocant, qui excavatur ad uasa unguentaria, quoniam optime ea incorrupta seruare dicitur, De l'albastre. Itaque uasa alabastrina dicemus ea quæ ex alabastrite lapide fiunt, Vaisseau d'albastre: qualia uidimus torno eleganter fieri Florentiæ ad antiquum morem excava-

B. iij.

ta, & efformata. ἀλάβασρον autem Pollux *uas unguentarium* appellat, quod à nobis *alabastrum* siue *alabaſter* dici poterit, cuius *uasis* fit mentio in *Euangelio*, de *Magdalene* quæ effudit *alabastrum unguenti nardi* *pisticæ pretiosi*. *Alabastrum* quoque pro *alabaſtri* *te lapide* *sumere* uidetur *Plinius lib. 37. cap. 8*, *Recentissimi authores* & circa *Thebaidis oppidum alabaſtrum naſci* dicunt.

V A S A F I C T I L I A.

Aſa fictilia, omnium uiliſſima habebantur,
 V ſiebântque ex argilla potiffimum, aut alio
 quouis luto præpingui, Potx de terre. quorum
uasorum efformatores & effictores à fingendo
figuli appellati ſunt, Potiers de terre. Hinc *Auſo-*
nius de Agathocle,
 -rex ego qui ſum

Sicania, figulo ſum genitore ſatus.

De quo etiam illud à *Iuuenale* refertur, eundem regem
fictilibus in menſa uasis uſum fuiſſe:

Fama eſt fictilibus cœnaſſe Agathoclea regem.

Fictilia autem erant potiffimum *uasa aquaria*, ut *ur-*
cæi, hydriæ: præterea etiam *culinaria quædam*, ut *ol-*
læ, lanceæ, catini, & alia huiuscemodi: de quibus tem-
 pus eſt ut ſeorſim dicamus: Si prius illud explicaue-
 rimus: *uasorum fictilium præſtantiora haberi ſo-*
lere Samia & Aretina: hoc eſt, quæ in *Samo inſula*
 & *Aretio urbe Campaniæ* ſiebant. *Plaut. in Capt.*
Ad rem diuinam quibus eſt opus uasis Samiis utitur.
 quemadmodum *vulguſ Italarum Maiorica uasa* ap-
 pellat, quæ in altera ex *inſulis Balearibus* ſiunt,

quam *uulgus* *Maioricam* appellare solet. Itidem & nos eadem ratione *uasa* *Bellouaca* dicemus, *Porx* de *Beaunays*.

DE ALIIS VASORVM DIFFERENTijs quæ ex eorum usu sumi solent: itémque de uarijs eorundem nominibus.

Xplicatis *uasorum* differentijs generalioribus, æquum est ut ad ipsas species descendamus, quæ & eorum nomina, & utilitates ipsas complectuntur. Itaque primum de *escarijs* *uas*is dicendum: deinde uero de *potorijs*, *uinarijs*, *aquarijs*, *niuarijs*, & huiusmodi omnibus agemus suo ordine.

V A S A E S C A R I A.

*A*sa *escaria*, in quibus *escæ*, hoc est *edulia* & mensæ reponerentur aut defererentur ipsis conuiuijs: quorum nomina seorsim à nobis recensenda sunt.

Vasa promulsidiaria dicebantur ea quibus *promulsidem* apponebant. Est autem *promulsis*, quod *uicem* *mulsi* (*uulgus* uocat *Du claré*) dabatur conuiuijs, ad prouocandam auiditatem cibi. *Entree de table*. Huiusmodi fortassis erant *artolagani*, *gastaulx* *fueilletex*, *oleæ*, *des oliues*, & *lucanica*, *des saulcisses*. Cicero *Pæto*, Neque est quod in *promulside* *spei* ponas aliquid, quam totam *sustuli*: solebam enim antea delectari *oleis*, & *lucanicis* tuis. B.

Lanx, *Vng plat*, *uariæ* formæ erat, quemadmodum apud nos quoque esse solet. *Lances* enim *aliæ* *latæ* (unde *platum* à latitudine *uulgus* appellauit,) *aliæ*
B.iiij.

cauæ. Iuuen. Et leues scutulas, cauâsque lances. Aliæ
item maximæ, mediæ, & minimæ, ut inquit iureconf.
Præterea erant aliæ quadratæ, ut apud eundem iu-
reconf. aliæ rotundæ. Horatius,

Vmber, & iligna nutritus lance, rotundas

Curuet aper lances, carnem uitantis inertem.

Itaque lanx à latitudine dicta est: apta quidem dapi-
bus & escis reponendis. unde Iuuenalis,

Aspice quàm magno distendat pectore lancem. B.

(Ea etiamnum utebantur in sacrificijs deorum.
in quibus exta animalium sacrificatorum reponebã-
tur. Virgilius 2. Georg.

Lancibus & pandis fumantia reddimus exta.)

Lances chrysendetas uocare uidetur Martialis in 2,

Immodici tibi flaua tegunt chrysendeta muli:

Hoc est, lances aureis crustis illigatæ & exornatæ, de
quibus supra diximus. Lances autem τοῦς πῖσαντες uo-
cant Græci, atque adeo Athenæus & Pollux. B.

Catinus, lance profundior erat, & à capiendo di-
ctus, Vng plat creux: Itali adhuc uocant Cadin. Ca-
tinis autem utebantur Romani ad pullos reponen-
dos & alia obsonia, ut hodie platis utimur.

Horatius primo Serm.

Aut positum ante mea quia pullum in parte catini
sustulit esuriens, minus hoc iucundus amicus.

Pisces quoque catinis reponebant. Idem 2. Serm.

Angustoque uagus pisces urgere catino. Qui pisces ob-
sonij nomine ueneunt: id enim Græci ὀψώνιον uocant,
ut colligere est ex 21. Cap. Euang. D. Iohannis. ὄψον e-
nim Græci uocabant, quicquid piscium assabatur
super carbones: inde obsonator qui pisces assandos

emit. Catino autem scilicet utebatur pauperiores. Idem
 1. Serm. Asto diuinis, inde domum me
 Ad porri & ciceris refero, laganique catinum.
 Quo loco inter Campanam supellectilem annu-
 re uidetur.

A catino diminutivum Catillum. Idem eodem loco,
 -mensæue catillum

Euandri manibus tritum deiecit. B.

Fenestella, ut inquit Plinius, Tympana se iuvene
 dicit appellata patinas & lances, quas antiqui magi-
 das appellauerant. μᾶρις autem Græcum nomenclum
 est, quo significantur mensæ quæ apponuntur & re-
 mouentur, auctore Iulio Polluce. B.

Ferculum, uas ad ferendum obsonium uel pulmen-
 tarium.

Patina utebantur antiqui ad coquendos pisces &
 cætera id genus. Plinius lib. 23. de fœce sapæ: Decoqui-
 tur, inquit, in patinis cum sale & adipe, ad tumorem
 quoque maxillarum & ceruicium: tum etiam ferculi ui-
 cæ. Et nisi me fallit opinio, eadem patina utebantur ad
 coquendum & ad ferendum obsonium, elixum præ-
 fertim. Horat. 2. Serm.

Affertur squillas inter murena natantes

In patina porrecta.

A patina quoque Tripatinum dictum, de quo uidetur
 Bayssium diligenter, ubi loca aliquot Plinij restituta a-
 nimaduertes.

Patella quoque uas escarium, ad olera & pulmen-
 ta ponenda. Horatius in epistola ad Torquatum lib. 1,
 Nec modica cœnare times olus omne patella.

Iuuenalis in quinta,

Ponitur exigua feralis cœna patella.

Quibus uerbis palàm est, patellam pro parua patina sumi, quæ ab istis tum modica, tum exigua dicitur. Iulius Pollux λιανὶ δα uocat: Patellas enim uocat Græci λιάνας: sicut etiam κύκλοι apud illos dicuntur, quos nunc orbes & quadras dicimus, Des taillouers, des assiettes. Baysius.

Paropsis, quemadmodum patina, tum pro uase escario, tum etiam pro uili obsonio & iure & etiam maza apud Pollucem & Athenæum ponitur. Iuuenalis, -quàm multa magnâque paropside cœnat.

Erant autem argenteæ paropsides & fictiles.

Martialis in X I,

Cui portat gaudens ancilla paropside rubra

Aleam, sed quam protinus illa uoret.

Vide diligenter Baysium.

Discus pro uase escario, Apuleio sumitur: Cœnarum reliquijs discus ornatus. Nisi malimus cum Polluce pro orbibus sumi, quos ille κύκλος ἀργυρῆς orbes argenteos, ἢ χάλματ' ἀργυρᾶ, ἢ πίνυκας uocat, in sexto. Erat item discus massa plumbea ad formam orbicularem facta, quam pugiles & palæstritæ siue athletæ in ludis gymniciis iaculabantur in sublime. Quidius 10. Metamorph.

Splendescunt, latique incunt certamina disci.

Scutula, Vne escuelle, Læce minor erat: quapropter inquit Martialis, Et leues scutulas, canasque lances. ἀριστόφορον item Græci uocant uas in quo prædium deferitur, quemadmodum ἀμφόφορον, amphoram.

Gabatæ præterea erant uasa alia escaria & pulmentaria. Martialis,

*Transcurrunt gabatæ, uolantque lances. Idem,
sic implet gabatas, paropsidasque.*

VASA POTORIA, ET POCULA.

*Aſa potoria & pocula dicuntur in quibus
V bibimus. quæ uarias formas uariæque nomi
na acceperunt. Fiebant autem argentea, aurea,
cryſtallina, & lignea, ut prius diximus. Cicero in Ver-
rem Act. 6, In his pocula duo, quædam quæ Heraclea
nominantur, Mætoris manu ſummo artificio facta. Po-
culum interdum pro ipſa potione ſumitur. Virg.
Pocula ſiquando ſeuæ mſecere noueræ.*

*A poculo fit Pocillũ, pro paruo poculo & uafe. Plaut.
Tecum una poſtea, tecum aquæ pocilla potitet.*

*Pocula clauis aureis ſuffixa Homero dicuntur, quæ
uulguſ pocula martellata uocat. quemadmodum re-
fert Plinius Agnonem Teiũ Alexandri magni præ-
fectum aureis clauis ſuffigere crepidas ſolitum fuiſſe.
De clauis autem uideto in libello de Re ueſtiaria. au-
reos autem clauos Athenæus χρυſὸς ἥλες uocat.*

*Scyphum, quem ſcypphum nonnulli ſcribunt uel
cyphum, Græci κύφον dicunt, & κύπελλον, ut docet
Athenæus in XI. Vne coupe. Eſt autem uafculũ po-
torium, ut cuiq; notum eſt. Inter ſcyphos laudatur im-
primis Bæotij: quibus Hercules primum in expeditioni-
bus uſus eſt, deinde Rhodiaci, ſequentibus Syracu-
ſijs. Virgilius,*

*Et ſacer impleuit dextram ſcyphus. Scypho enim
ueteres in conuiuijs & ſacrificijs utebantur.*

*Cyathis antiquos potus ſui meſuram metiri ſoli-
tos etiam inter epulas, ex eo conijcio, quod ſerui qui-*

dam ad cyathos stare uel esse dicebantur, ut serui ad limina & pedes: hoc est, qui foribus præerant & pedibus ex calciadis, dum cœnaturi essent domini. Hinc Cicero, Seruum meum à pedibus tibi nisi. Quod autem cœnaturi uel discubitori soleas deponerent, ostendit locus Martialis:

Deposui soleas, affertur protinus ingens

Inter lactucis, oxycarūque liber. Cæterum seruos à cyathis Græci οἰνοχόους dicunt: unde cyathus à quibusdam uocatur οἰνοχόον, quod uocabulum ab hauriendo & fundendo uinum deductum est. Hoc autem munere qui fungebantur, dicebantur νωαίεσσαν, hoc est cyathissare: quo uerbo utitur Plautus in menæhmis, Non scis quis ego sim? qui tibi sæpissime cyathisso: hoc est, cyatho uinum bibendum admetior: quod Athenæus dicit νωαίεσσαν οἰνοχόων. Appellabanturque hi pincernæ, non omnino inepto uocabulo, nepe quod à Græcis deductum fortassis putabitur: ut eum significet cui conuiuæ identidem dicunt τί ναι νώπια: id est, misce uinum, uel tempera uinum ut bibam. Quod munus apud antiquos nobilissimi iuuenes in publicis ac sacris conuiuijs obire solebant: quemadmodum Ganymedem in deorum conuiuijs fabulæ fecisse referunt, unde & deorum pincerna appellatus. Qui mos hodie quoque apud Italos, & nobiliores quosdam Gallos obseruari solet, ut iuuenes quidam, aulicis dum ministrant potum, aperto capite, altera manu cyathum, altera phyalam aquariam tenentes, tantum aquæ uino misceant, quantum à conuiua expostulatur. Sed hæc omnia ex Budeo decerpta in libris de Asse: suus enim est unicuique honos tribuendus.

Patera, Vne tasse, ab ethymo dicta, quod ampla sit, & pateat: fiebat autem ut plurimum aurea uel argentea, aut nobilioris atque excellentioris alicuius metalli: erat enim principum ac regum poculum. Virgil. Ipsa tenens dextra pateram pulcherrima Dido.

Calix, Vng calice, aliud poculi genus, quod interdum uitreum, interdum murrhinum fieri solebat. Martialis lib. 4. Prodat perspicuus ne duo uina calix.

Illud porro sciendum est calicem à probatissimis authoribus poni non solum pro uase, sed pro ea tantum uasis parte quæ humoris capax est. Quametiā Plinius rosæ calicem dixit, eam partem quæ rosæ luteos apices in se recipiat, & cõtineat. uide Bayssum diligenter. Calices etiam fictiles erant tum ad bibendum apti, tum etiam ad legumina reponenda. Ad bibendum autem calices fictiles factos fuisse, refert Plutarchus in libello de cohibenda iracundia: D. Claudium Cæsarem conuiuæ qui pridie scyphum aureum surripuisse existimabatur, reuocato in diem posterum, calicem fictilem apposuisse. Ad legumina uero reponenda, Ouid. lib. 5. Fast. Stant calices, minor inde fabas, olus alter habebat.

Modiolus, uas paruum, factum ad modij similitudinem, cuiusmodi ferè sunt ea quæ gobeleta dicimus. Et Venetijs Latini uocabuli uestigia uulgo retinent, uocant enim Moçol, quasi Modiol, propter affinitatem d, cum ç. B.

Amphithetum poculi genus, ita fictum, ut quauis ex parte positum staret, nullumque certum haberet fundum. Hinc prouerbiū in eum qui liberius & meracius potaret, Ex amphitheto bibisti.

Carchesium, uas potorium uel poculum, quo ute-

Crateráſque duos ſtatuam tibi pinguis oliui.
 Pro cratere pſycterem poſuiſſe uidetur Plutarchus in
 uita Alexandri: de Glauco medico: quem (inquit) Ale-
 xander in theatro abſentem nactus, caprum prandii
 aſſatum, & ingentem uini pſycterem hauſit. Niſi pro
 maiore & ampliore uafe ſummi uideatur.

Lagena, Vne bouteille, uas fictile, quo æu potorio u-
 tuntur qui per æſtatem atque ardores maximos in a-
 gris negotiantur ea forma, inquit Budæus, qua hydriæ
 fictiles hodie à Bellouacis importantur, Cruches de
 Beauuays. à tereti enim collo diſtenta uentris laxitas,
 iterum ſenſim ad imum gracileſcit. Martialis,
 Nulla cæthenatis pila eſt præcincta lagenis.

V A S A V I N A R I A.

Aſa uinaria, in quibus uinum ad noſtros
 V uſus reponere ſolemus. Quo in loco etiam
 de illis uafiſ uinarijs tractabimus, quæ men-
 ſuram certam continere ſolent.

Cadus, Vng caque, amphoras duas & beſſem ca-
 pit: hoc eſt duodenos cõgios Parrhiſinos. Fuit autem ca-
 di forma apud antiquos, turbinaria ex Plinio, id eſt
 cono, & ſtrobulo, & nucipineæ ſimilis. Ouidius quin-
 to Faſtorum,

Promit fumoſo condita uina cado. Virgilius,
 Vina bonus quæ deinde cadis onerarat Aëſtes.

Cadis etiam utebantur antiqui ad ſaſſamenta condi-
 enda.

Cirnea, uas uinariũ, quo uinum è cadis detrahe-
 batur, uulguſ Italorum ſimile quiddam uocat Vng bo-
 æal. Plautus, Cadus erat uini, inde impleui cirneam

Congius, quartarios quaternos continet, Græci choa dicunt. Sextarium lingua nostra uernacula nulla ratione uocauit, Vng sester de uin.

Vrna, hemiamphorion seu semiamphora quoque dicitur: quadraginta enim urnæ, uiginti amphoras ualent ex supputatione Columellæ. Sedecim autem urnæ, modium nostrum faciunt, id est quatuor & uiginti brochos.

Brochus uero, a uerbo Græco βρῖχον dicitur, quod fundo significat: est autem uas fundēdo uino accommo datum implendis, deplendis que culcis, & uasis conditorijs, & uino quocunque modo transuadando. Græci œnophorū ex eo appellant, quod uino comportando aptum sit. Iuuenalis,

-tandem illa uenit rubicundula, totum

OEnophorum sitiens plena quod tenditur urna.

Sed ut ad urnam redeamus, ueteres inuenio urnis non solum ad uinum & aquam usos, sed etiam ad mortuorum & concrematorum cineres reponendos, cuiusmodi antiqua monimenta passim in Italia reperias. Urnis etiam ad suffragia utebantur. Virgilius, Quæstor Minos urnam mouet. Urnas præterea olearias fideles Cato ponit.

Amphora, uinarium & aquarium uas. Quod autem etiam aquarium esset, ostendit locus Horatij in Arte poetica: -amphora cœpit

Institui, currente rota, cur urceus exit?

Quod uero magis uinarium fuerit, ex hoc liquet quod de Bonoso imperatore dicitur, qui cum se suspendisset, dictum est, non imperatorem, sed amphoram pēdere: uino enim plus satis indulgebat. Martialis,

C. l.

Amphora non meruit tam pretiosa mori.

Amphoræ forma tesseraria fuit, & in ceruicem gracilescens. ex Catone. Singulæ autem amphoræ decem & octo quartarios nostros capiunt, hoc est sextarios Romanos duodequadragenta. Romæ præterea in angiporis & angulis uicorum amphoras fictiles collocatas fuisse memoriæ proditum est, in quibus uesticæ comætiunt, ut inquit Suetonius, exonerarentur. Hinc Caij Titij oratoris dictum in oratione pro lege Fannia, Dum meiunt, inquit, nulla est in angiportu amphora, quam non impleant, quippe qui uesticam uini plenam habeant.

Dolia, inquit Nonius, uasa sunt grandia, quibus uinum reconditur. Cato, Vinum in dolijs hoc modo uenire oportet. Quod genus uasis prius ab antiquis Calpar dictum Varro in Nonio asserit. Sesquiculare dolium Columella, triginta amphorarum dolium appellat. Ventrosa autem dolia eodem authore fuerunt. Quæmetiam olearia dolia fuisse affirmat lib. 6. quorū magnitudinem culearem fuisse dicit. Cato de Re rustica, Eos conculcatos in dolia picata indito. Dolia picata appellat, picæ illita, Poissæx.

Linter, genus dolij rusticani. Tibull. lib. 1, Aut mihi seruabit plenis in linteribus uuas. Est etiam lignum cauatum instar nauiculæ. Vnde & pro nauicæ accipi solet.

Cuppa, Vne cuue, maius uas lignæ ad uinum condiendum. Lucan. lib. 4,

Nanque ratem uacue sustentant undique cuppæ.

Quadrantal, inquit Festus, antiqui uocabant amphoram, quod uas pedis quadrati, octo & quadraginta

ta sextarios capit. Plautus,

Anus hæc sitit, quid ita sit? modica est, capit quadrantal.

Cybiuum à Græcis dictum, ex Budæo, uas illud, quod prisca Latini quadrantal appellabant. Dictum cybium, quia eius medium æquè patet in omnes partes: quod genus à geometricis cybos dicitur.

Modius, Vng muy, Gallicum uocabulum est & aridorum & liquidorum mensuræ, non modo priscum, sed uarium pro locorum uarietate nomen obtinens. Modij autem nostri mensura, 36 congios nostros capit, quos uulgius sextarios nulla ratione appellat.

Medimnus, ternos modios Romanos continet, minnam uulgius uocat per syncopen, Vne mimne.

Modius autem Romanus non dispar erat ei mensuræ quam bæotium uocamus, Vng boesseau. Chœnix uero semodius dicebatur, Vng demi boesseau, ut illud obiter dictum sit. Budæus.

Culeus, Vne pippe, modios nostros duos & semis capiebat, id est sexaginta Romanos. Magnum autem uas ex eo fuisse apparet, quod in culeo scorteo damnati lege Pompeia, cum cane & gallo, & uipera insuebantur.

Culeos autem nunc sesquimodiales habemus, id est duodecim amphorarum, cuius uocabulum uulgare ad Latinum alludit. Quo genere Ligeris fluij accolæ utuntur. Est & aliud genus culei maioris captus, quos tonnellos appellamus uulgo. Budæus lib. 5. de Asse.

Mirum autem est Gallos nostros φιλέλλης usque adeo fuisse in hisce uasorum, & mensurarum nominibus, ut etiam integrâ uocabula retinuerint, quemadmodum in sequentibus dicemus, primum à minoribus

C.ij.

uas incipientes.

Hemixestes, *Demi fester*, minima mensura ac minimum *uas uinariū* à nobis dicitur : quod uocabulum, merè & integrè Græcum est, significat enim dimidiatum *xestem*. *Xestes* autem est *hemina*.

Cheopina, *Vne chopine*, à Græco χεῖ πίνω, quod in ea tantum funditur, uel hauritur uini, quantum homo sitibūdus uno haustu absumere possit. *Lugdunenses* filletam appellant, quasi *fideliā*, quæ duplex, pintam continet.

Pinta, *Vne pinte*, à Græcis deducta: illi enim *pitynam* appellant *uas* quoddam uinariū: deinde ex *pityna* per syncopen fit *pitna* : nos autem transpositione literarū *pintam* diximus, à πίνω bibo: unde aliud quoque uocabulum deductum habemus, *Vng pion*, pro potore & *helluone*.

Quartariū, *Vne quartē*, apud Catonem, est congi sextæ pars. Nos uero *brochum* appellamus, *sesquixetarium Parrhisinum*, quæ mensura dimidio maior est urna: id est, *hemiola* est urna brochi. Itaque *quartarium* dicimus, non quartam partem alicuius maioris mensuræ, ut Latini uocauerūt: sed *uas* quod quatuor mensuras caperet, id est *quaternas cheopinas*: sic *ternarium*, quod tres. *Vng pot de trois chopines*. *Semissem* autem uocant *Lugdunenses*, quam quartam uocamus, *Vna cymese*. Sed hæc omnia ex *Budæo*, nequis fallatur.

Fidelia, inquit *Nonius*, *uas Samium* ad plurimos usus: nos autem pro uase uinario utimur, quod lingua nostra corrupto uocabulo uocat *Vne fillette*, præsertim apud *Trecenses*: nam *Lugdunenses* pro *cheopina* acci-

piunt. *Fideliarum* autem *Trecensiū* forma est lignea, quemadmodum *cadisci*. *Plautus*, Sed si reperero, ô *fides*, mulsi *congralem* plenam, faciam tibi *fideliam*. Eodem modo quo *Plinius* *Congiarium* *cadum* dixit. *Fideliae* autem antiquorum qua forma fuerint, legisse me non memini: sed *fictiles* & *uitreas* apud *Columellam* legimus.

Orca, *uas* *Hispanicum* *Varroni*, factum ad similitudinem *marinae* *beluae*, quæ à *Festo* *orca* dicitur. *Persius*, -*angustæ* *collo* *non* *fallier* *orca*.

Fuit autem *orca*, ut ego quidem coniectari possum, *uas* *uinarium*, *olearium*, *salsamentarium*, & *salgarium*. *Quinetiam* *Festus* uocat *orcas* *ficarias* *teretes*, atque *uniformi* *specie*, quarum *ratio* *non* *sua* *mensura*, sed *sua* *forma* *constat*. *Orcis* adhuc hodie *salsamentarij* *negotiatores* utuntur.

Diota, *uas* *fictile*, *utrinque* *ansatum*, *aptissimum* *seruando* *uino*. *Horat. lib. 1. Carm.*

-*atque* *benignus*

Deprome *quadrimum* *Sabina*

O *Thaliarche* *merum* *diota*.

Quibus uersibus adducor ut credam, *diotam* *Sabinis* in usu fuisse ad uinum asseruadum in multos annos, quemadmodum hodie in *Hispania* fieri solet. Ad quod munus propria etiam *dolia* *picata* habent.

Ciborium, *uas* *uinarium* ad similitudinem *foliorum* *colocasiae* *incuruatum*, & *laeue* factum atque *expositum*. *Horatius 2. Carm.*

Oblivio *solacia* *Massico*

Ciboria *exple*.

Seria quoque *formam* *certam* *uas* *denotat*, non
C.iiij.

certam mensuram. Vas erat uariæ capacitatis, ad multos usus accommodatum, puto tamen oblongum fuisse, ex Columella multis in locis. Ac si nobis coniectari licet, & aliquid diuinando consequi, ego putarim oblongas, & fithles serias fuisse, æu urnas quasdam in quibus aquam asseruabāt, donec pacatior fuisset: qui mos hodie quoque Romæ perdurat. Linus, Et in uico histrio, fontem tanta ui aquæ fluxisse, ut serias, doliæque uelut impetus torrentis tulerit. Terentius, Serias omnes releui. Inde seriola. Persius saty. 4. Seriolæ ueteris metuens deradere limum.

V A S A A Q U A R I A.

I Nter uasa aquaria non solū annumerabimus ea quæ frigidā continere solent, & in quibus aqua gestari, aut cum quibus hauriri aqua solet: sed etiā ea in quibus aqua igni calefit.

Vrceus, cuius diminutiuum Vræolus, uas aquarium, ut tamen vrceus esset ad frigidam, vræolus ad calidam. Inde vræoli ministratorij apud Martialem. Vrcei quoque sunt ex Iureconsulto quibus aqua in æneum infunditur. B. Manisternam Plautus vrceum aquarium uocat.

Ahenum autem, uel æneum, Vng coquemart, cucumam uulgus uocat, uas ad parandum aquæ calidæ potum. Horat. 2. Epist. -emptis

Sub noctem gelidam lignis calefactat ahenum.

Miliarium quidam uocant, ut inquit Athenæus in tertio, cuius etiā meminit Palladius. nonnulli Græcorum uerborum artifices ἰππολίβητα appellarunt, & ἰππολίβητον. Pollux ahenum uocat. B.

Hydriam Latine uocamus urnam aquariam, Vne cruche. Hydria etiamnum utebantur antiqui ad ferenda suffragia, et ad colligendos continendosque mortuorum cineres. B.

Calpis Plutarcho in Marcello idem quod hydria esse uidetur: Herodotus item pro uase aquario sumit.

Craterra Nonio, uas hauriendae aquae proprium: nos. Situlam uocamus. Quo uocabulo etiam utitur Plautus, Si hanc situlam accepero, omnem illi puto animam intertraxero. Plinius libro 10. cap. 43, de cornuorum industria: Tradendum, inquit, putauere memoriae quidam, uisum cornuum per sitim lapides congerentem in situlam monumenti, in qua pluuia aqua durabat, sed quae attingi non posset: ita descendere pauentem, expressisse tali congerie, quae poturo sufficeret. Huius autem est diminutiuum sitella, eratque uasculum in quo suffragia populi colligebantur in creandis magistratibus. Cic. pro Cornelio, Neque maius est legere codicem, quum intercedatur, quam sitellam ipsam cum ipso intercessore deferre. Nisi maius legere cistellam, quod mihi sane commodius uideretur.

Suturniū, urceolus seu guttus ex quo aqua in pelluium distillat, Vng goutteron, Vng biberon.

Pelluium autem uas est in quo pedes lauantur, uel ex ipsius uocabuli indicatione, Vng bassin a lauer les piedz.

Malluium quoque uas patulū, in quo manus abluuntur, Vng bassin a lauer les mains.

Peluum nonnulli à pelluendo dictam putant: Varro à pedum lotionem: Graeci πέλυν καὶ πέλινον dicunt, itaque uerius à Graeco deduci putabitur. Quinetiam uas
C.iiij.

illud in quo pocula lauantur, Græci ὀληαῖον καὶ λετη-
ριον vocant. B.

Trulleum, vas quo manus perluuntur.

Trullam quoque vas fuisse aquarium ex ære Co-
rinthio fieri solitum conijcitur ex Plinio libro 34. cap. 2.
Sunt ergo vasa tantum Corinthia quæ isti elegantiores
nunc æs sculpendo transferunt modo in lucernas, modo
in trullas, nullo munditiarum respectu. Sed & trulla
vas est uinarium, sic dictum quod usu teratur: vel, ut
alii putauere à transuolando, quod per eā aqua trans-
uolet. Iuuenal. in tertia, Si trulla inuerso crepitum
dedit aurea. De trulla quoque murrhina loquitur Pli-
nius lib. 37. de T. Petronio.

Pollubrum, vas aquatile ad lauandas manus. Fa-
bius pictor apud Nonium, Aquam manibus dato, pol-
lubrum sinistra manu teneto. Erat autem ut plurimum
argenteum. Liuius, Argenteo pollubro, & aureo gutto.
quo ex loco dixerim guttum esse vas illud quod nos vo-
camus, Vne esguiere à biberon, nisi manus mistarium
appellare cum Lucilio: sed mistarius geminas ansas
habebat, & longus erat, quo aqua uinum miscebatur.

Chus siue choa, vne esguiere, vasis genus quo aqua
fundeatur: ἀπὸ τοῦ χεῖν, quod est fundere. Est &
mensuræ genus humidorum apud Atticos, Romanum
congiuum capiens, nempe sex sextarios, siue cotylas Atti-
cas duodecim.

Phialas præterea vitreas & aureas fuisse conijci-
tur ex multis authorum uariorum locis. Græci φιά-
λην καὶ φιάλιον vocant. fueritne autem vas aquarium,
an uinarium, dubium est: poculum tamen aureū fuisse
Plinius affirmat libro 33. Nos tamen vitreum nullo

affirmamus esse uas, Vne phiolle. Itali caraffam uocāt.

Armillum, inquit Varro, urceoli genus, quod armo ferebatur.

Amula, uasculum erat in quo ferebatur aqua lustralis ad expianda scelera. dictum ab amoliendis peccatis, Vng benoistier. hinc amuletum diminutiuum, remedium aduersus inuidiam & ueneficia.

Anthlia, uas hauriendis aquis idoneū. Mart. li. 9, Curua laboratas anthlia tollit aquas. Hinc uerbum Exanthlare, exhaurire.

Solum, uas erat quo in thermis uel balneis lauabantur. Quod factum olim tanto sumptu refert Liuius, ut mulieres solijs argenteis uterentur.

Colum niuarium, uas erat quo aqua ex niuibz colari solebat, ad delicias Romanorum: ut æstiuo tempore frigidius biberent. Martialis,

Attenuare niues norunt & lintea nostra,

Frigidior colo non salit unda tuo.

Itaque utebantur etiam sacco niuario, qui lineus erat, ut liquidius merum potarent. quale est illud quod uocamus Vne estamine. Nos hodie colo utimur ad lac coelandum: & est uas ligneum quod fundum linteum habet sibi annexum: uulgu8 uocat Vng coulouer.

V A S A O L E A R I A , E T

V N G V E N T A R I A .

Afa olearia non solum appellabimus ea in quibus oleum in cellis reponitur ut cadi, urnæ, & dolia olearia: sed etiam ea in quibus oleum consumitur in usum nostrum, ut lychni

lampades, & huiusmodi: de quibus æquum est nunc ut differamus.

Lechytus, pro ampulla olearia sumitur in sacrosanctis Bibliorum uoluminibus, nempe lib. 3. Regum. Iulius autem Pollux in sexto, λήχυτον inter uasa unguentaria annumerat. Atqui oleum inter unguenta ueteres posuere: quando nullum unguentum optimum absque oleo fieri uidemus.

Alabaſter, uel alabaſtrum, uas unguentariū quod uel ex onychino marmore, uel alabaſtrite fieri solebat. Cic. lib. 2. Quæſt. Acad. Quibus etiam alabaſter plenus unguenti putere uidetur. Mart. lib. 11, Quod Coſmi redolent alabaſtra phocique deorum. Idem etiam onychen eodem libro pro alabaſtro poſuiſſe uidetur:

Profertur Coſmi nunc mihi ſuctus onyx.

Ampullas item conſimili ratione annumerat inter uasa unguentaria, libro tertio:

Et Coſmianus ipſe fuſus ampullis.

Quarum formam deſcribit Plinius lib. 3. Epist. Quibus non hians eſt, nec ſtatim patens exitus. Apuleius in floridis, Ampullam olearia uocat. Quod autem turghda & uentroſa fuerit, id oſtendere uidetur locus Horatii in Arte poetica, qui ampullas & ſeſquipedalia uerba, pro turgentibus & grauib; ponit. Hinc ampullam dicimus in corpore, illam cutis prominentiam & inflationem quæ ex humore aqueo, uel etiam ſpirituſo aliquo aere incluſo inter cutem & carnem eleuari ſolet. Suetonius in Domitiano pro uaſe uitreo accepiſſe uidetur. Ut non temere, inquit, ſuper cœnam præter martianum malum, & modicam in ampulla

potiunculam sumeret.

Pyxis quoque, Vne boette, pro unguentario nase ligneo & maxime buxco sumi videtur. Nescio an pyxides sint ea nasa quæ Plutarchus in Aristide & Alexandro τοὺς κροσσούς vocat. olei quoque & unguenti crossos liberi adolescentes deferunt.

Concha item pro unguentario nase ab Horatio ponitur:

Funde capacibus unguenta de conchis.

Lucerna, Vne lampe, nas in quo oleum consumimus ut luceat, & splendorem emitat: Græci τὴν λαμπάδα, καὶ λύχνον, καὶ λυχνίον vocant. Hinc de Demosthene dictum est, eius scripta lucernam olere. Fiebant antiquitus lucernæ, quemadmodum etiam nunc apud nos ex ære. Plin. lib. 34. cap. 2, Sunt ergo nasa tantum Corinthia, quæ isti elegantiores, nunc æs sculptendo transferunt modo in lucernas, modo in trullas, nullo munditiarum respectu. Lucernam autem à lychno dictam contendit Seruius, Vnde, inquit, primam breuem habet. Iuuen.

Dispositæ pinguem nebulam uomere lucernæ.

Quod autem oliuum lucernis imponere solerent antiqui, ostendit locus Horatii. -ungor oliuo,

Non quo fraudatis immundus nata lucernis.

Lychnus, idem quod lucerna, cum tamen pro candelabro accipere videatur Virgilius primo Æneid.

-dependent lychni laquearibus aureis.

Scirpus autem ille laneus, qui circumfusus oleo & incensus ardet in lychno, à Græcis ἑλλύχνιον appellatur, La meche.

Lychnuchi pensiles, Grans chandeliers ou lampes

qui pendent aux esglises. Plin. lib. 34. 3, Placuerunt & lychnuchi pensiles in delubris, arborum modo maleferentium lucentes. Erant enim maxima candelabra ex ære Corinthio uel AEgnetico conflata, cuiusmodi hodie quoque in templis nostris uisuntur, & in aulis principum.

Candelabrum, Vng chandelier, à candelarium lumine nomen impositum habet, inquit Plinius. Fiebant autem ærea candelabra etiam apud antiquos, sed Corinthio ære facta fuisse negat Plinius: quin potius AEgnetico fiebant.

V A S A C U L I N A R I A.

Superest nunc ut uasorum culinariorum species ac formas explicemus. Vasa autem culinaria, quæ & coquinaria Plinius uocat, sunt ea quibus coquina uel culina referta est, aut quæ in culina reconduntur: nempe frixoria, & ea in quibus pulcem & pulmenta, atque alia id genus cibaria decoquimus in usum nostrum.

Aula siue olla, uas fictile, uel etiam æneum ad pulcem & olera coquenda, quod uel prouerbio manifestum sit. Catullus, Ipsa olera olla legit.

Iuuenalis satyr. 14,

- & grandes fumabant pultribus ollæ. B.

Pulcem autem (ut obiter illud dicam) uulgus uocat De la purée: pulmentum uero, Du potaige: generale enim est ad multa. Cæterum ab olla diminutivum fit Ollula, siue ut antiquis placuit aulula, Vng potelet. unde Plauti comœdia nomen accepit, ut Aulularia diceretur, propter repertam à sene auri ple-

nam aululam.

Cacabus, Græcum est, ex Athenæo in quarto & Aristophanis parasito: illi enim κακῆβαρ uocant. uas autē est in quo pulmentaria super ignem coquimus. B.

Nomen traxisse quidam aiūt à sono, quem supra ignem positus facit. Apitius, Capita porrorū simul elixabis in cacabo nouo, ut aqua ad tertiam deferueat. Fiebant autem apud antiquos etiam argentei cacabi, ut uidetur affirmare iuriconsf.

Patinam quoque inter culinaria uasa annumerare uidetur Paulus iureconsultus: nam & escis coquendis & etiam deferendis supra mensam seruebat, ut diximus in uasis escarijs. qui nos hodie quoque Venetijs obseruari à nobis uisus est.

Lebes, uas æneum aptum carnibus coquendis, aut etiam alijs rebus: Vng chauldron, ou une marmite, quod uas quia profundum erat, ideo curuum ab Ouidio dicitur:

Fragilēsq̃ue cadi, curuūq̃ue lebetes. Idem,

Viginti fuluos operoso ex ære lebetes.

Hoc est, cælatos, uel sigillatos, ut supra diximus, & operibus sculptis insignes. Virgilius,

Ingens argentum, Dodoneósq̃ue lebetes. hoc est, ære Dodoneo conflatos, & factos. Erat autem Dodona ciuitas Epiri, in qua conflabatur & reperiabatur æs optimum, admodum resonans, ex quo etiam bractæ æneæ fiebant, unde prouerbiū, A Ere Dodonco loquacior.

Tripus, Vng trepier, ferreum quiddam, super quo uasa igni admoueantur. Tripus autem tripodis, mensa in templo Apollinis Delphici, cui superponebantur

corinae. Plin. lib. 33, Tripodibus etiam donabantur fortes Athletae. Horatius lib. 1. Carm.

Donare tripodas, praeemia fortium Graiorum.

Sartaginem Graeci *λοπάδα καὶ λοπάδιον* uocant:

Nos uulgo Galli, ut opinor, La poalle, ut uocabuli Graeci non leuiter pressa uestigia retinere uideamur. B.

Alij patellam uocant, sed, opinor, barbare: nam patella quid sit, superius ostendimus, cum de patina ageremus. Cæterum *τήριον* Graeci pro sartagine accipere solent, nempe pro eo uase culinario, quod frixorium alij uocant: Itali, Vna frissora, unde *τηρίαν*, fringere & coquere in sartagine, ut opinor: atque hinc etiã Galenus panes tiganitas uocat, in sartagine coctos cum caseo, oleo, & alijs admixtis, ad saporem conciliandum: qualia sunt ea quae à nostris coquis in conuiuiorum apparatus fieri solent, des bignetz: Itali uocant. Delle fritelle, unde etiam fritillae à quibusdam Latinis enuntiantur.

τύραν καὶ *τυρόρον* Pollux uocat, quam nos causeretam dicimus, Vne chaufferette, ἀπὸ τοῦ κῶμα φέρειν, hoc est, ab igne ferendo: est enim id uas in quo ignem recondimus, super quo discos escarios, & lances reponere solemus, etiam dum in mensa sunt: ut iusculum uel etiam ipsa caro, aut siquid est aliud, calidum à nobis edatur.

Veru uel ueruculum, Vne broche, inter culinaria instrumenta Pollux annumerat, appellatque *ὀβελόν*, καὶ *ὀβελίσκον*. Virgilius,

Pars in frustra secant, uerubusque trementia figunt.

Plin. lib. 33, Ex eo sublata ueruculis ferreis, atque ipsa flamma conuoluitur ueruculo, ut sit modici ponderis.

Vne brochette de fer.

Mortarium, Vng mortier, uas lapideum, uel æneum in quo aliquid contundimus, uel ad iuscula faciendā, uel ad pulmenta condiendā. Id autem quo quidpiam in mortario contundimus, pistillum appellamus, Vng pilon. Plautus in Aul. Cultrum, securim, pistillum, mortarium, quæ utendā uasa uicini rogant. Vnde aquam in mortario tundere, de inani & uana opera.

Pila, uas ligneum in quo antiqui frumentum contundebant & exspicabant, uel etiam hordeum exorticebant ad ptissanam conficiendam. Plinius lib. 18, Tundatur granum eius in pila lignea. Ea nunc utuntur funarij nostri ad canabem & linum expurgandū.

Segana etiam dicitur uas in quo aliquid teritur.

Salinum, Vne saliere, uasculum in quo sal reponitur ad mensæ usum, aut sacrificia. Horatius, Viuitur paruobene, cui paternum Splendet in mensa tenui salinum. Persius, Purum & sine labe salinum.

Scaphis, uas culinarium Athenæo. Veneti adhuc uocant Vna scasa.

Scaphium, uas in quo excrementa colligebant, & corporis fæcem. Iuuenalis,

Et rude scaphium positis consumitur armis.

σκῆπιον Pollux uocat, ubi agit de necessarijs ad secessum: & mulierum erat, quemadmodum lasana & ἀμῖς uirorum. Horatius lasanum uocat:

Te pueri lasanum portantes, ænophorūque.

Scaphis autem argenteis antiqui utebantur, ut & hodie uiri Galliarum primarij: quin & aureis uasis uen

tris onus excipiebant, quod de Heliogabalo imperatore refertur. Athenæus tamen in quarto, scaphium inter uasa, uel patoria, uel escaria adscribit: nisi me fallit memoria. B. Lucretius quoque libro sexto pro quolibet uase latiorificij sumit:

Et ramenta simul ferri, furere intus ahenis

In scaphijs. Vitruuius, In eoque collocatur, circiter solis occasum, scaphiū æreum, aut plumbeū, ut peluis.

Matella, uas urinarium à Græcis οὐρήν, unde nos uocauimus Vng urinal: Iulius Pollux οὐρηθήραν uocat. Martialis in 2,

Matella curto rupta latere meiebat.

Matellam autem crepitu digitorum poscebant ueteres, unde iocus Martialis in Paneretum. B.

Matellionem Tullius in Paradoxis uocat: Quid enim censes, si L. Mummius aliquem istorum uideret, matellionem Corinthium cupidissime tractantem, &c.

Matellionem Corinthium dixit, ex ære Corinthio factum. Varro, Postularet trulleū, matellionem, peluim.

Coculum M. Catoni, uas est æneum aptum costionibus. Plautus, AENEIS oculis, excocta est mihi omnis materia. Plura si quis inuenerit: huic ordini adscribat. Ego uero, tantum ea quæ inter legendum occurrerunt, ex bonis authoribus congeffi.

V A S A V I M I N E A.

Erè opusculū clauseram, cum mihi in mentem uenit uimineorum, quæ sanè post uasa lignea exprimere fortassis commodius fuisset: sed quando etiam hic locus nos ad eorum explanationem inuitat, simul omnia docebimus.

Vimen igitur erit, omne uirgultum molle & ad ligandum aptum, quales sunt uirgæ populi, ulmi, & betulæ, & sanguineorum fruticum, atque etiam coryli & salicis, quæ præcipui sunt ad uasa usus. Vnde lentum uimen uocauit Virgilius lib. 3, hoc est flexile, & in quauis partem ductile. Huiusmodi itaque uimine fiebant uasa ad multa utilia, ut ad colligendas dap-pes è mensa: præterea etiam ad muliercularum lin-teola recondenda, quæ omnia, uasa uimine dice-bantur.

Calathus, muliercularum uas fuit, in quo suos fu-sos, aut etiam uiolas reponere solebant. Virgilius,
- non illa colo calathisue Mineruæ

Fœmineas assueta manus. Idem in Buc.

- tibi lilia plenis Ecce ferunt Nymphæ calathis.
Cuius diminutium est Calathiscus pro eodem. Poli-tianus in Rustico, Aut cista exportant, aut rasilibus calathiscis.

Cista autem, quantum ego conijcere possum, uimi-neæ etiam fuit: erantque uas satis amplum, in quo mul-ta asseruabant. Iuuenalis,

Ianque uetus Græcos seruabat cista libellos.

Itali adhuc uocabulum integrum retinent. Hinc cisti-fer, Vnq̃ porte uenier. Martialis in 11,
- nupsisti Gellia cistifero.

Cistella pro eodem. Cicero tamen pro eo uase su-mere uidetur, in quo suffragia colligebantur. pro Cor-nelio Balbo, Neque maius est legere codicem cui inter-cedatur, quàm cistellam ipsam cum ipso intercessore deferre. Quo loco quidam corruptè, ni fallor, sitellam legunt. Cicero, aut quicumque fuerit qui libros conscri-

D.i,

psit ad Herennium: Saturninus, inquit, legem ferre
cœpit: collegæ intercedere: ille nihilominus cistellam
detulit.

Canistrum seu canister, uas amplum, uiminibus
contextum in quo fructus recondebantur, atque offer-
ri in honorẽ solebant ab ipsis agricolis, seu etiam mu-
lierculis. Ouid. lib. 3. Metamorph.

Prundque, et in patulis redolentia mala canistris.

Sporta siue sportula, canistro non erat dissimilis:
sed in alium usum: nempe eum cui nostram corbẽ ap-
plicare solemus, Vne corbeille. Sallust. in Iugurtha, E
muris canes sportis demittebant. Veneti sportulas et
sportas hodie uocant, uimineæ quædam utrinque an-
sata et plicabilia, quales sunt ficiũ calathisci, Cabatx
de figues, ut una manu deferri possint, quibus utuntur
ad carnes et escas alias deferendas, quas è foro do-
mum asportant.

Sportulam præterea Romani pro eo nummo acci-
piebant, qui togatis dabatur cum obsonio (ut inquit
Suetonius) à potentioribus, ut deducerentur et redu-
cerentur per urbem incedentes: ualebat autem cen-
tum quadrantes, quadrans uero erat qui nunc Romæ
uocatur Quadrin, uel Quatrim, nos, Vng tournoys. ui-
de Baysium cap. 9. de Re nest. et Budæum in lib. de
Asse. De huiusmodi autem sportula Iuuenalis Saty-
ra prima: -nunc sportula primo
Limine parua sedet, turbæ rapienda togatæ.
Asconius tamen, Sportæ, inquit, sportulæ, et sportellæ,
nummorum sunt receptacula.

Quallus, uas uimineum per quod uinum è præ-
lo guttatim defluit, quod etiam colum appellat Virgi-

lius: -tu spisso uimine quallos

Coloque prælorum fumosis diripe tectis.

Picti etiamnum qualli dicuntur, cistellæ in quibus mulierculæ fusos suos reponere solent. Pontanus,

Vidit ea pictos melius contexere quallos.

Picti autem dicuntur, aut quod uiminibus rubris atq; albis intertexti appareant: aut quod etiam iisdem uersicoloribus uiminibus quædam cœu auum aut ferarum formæ depictæ uideantur, quemadmodum Venetijs quoque nunc uideri solet.

Fiscina, uasculum uirgultæum, è quo lac colatur dum caseus imprimitur, Vne esclisse: uimineum autem erat, aut iunco textum. Virgilius in Coppâ, -contextaque cannis Fiscina lacte madens. Theocritus τάλανον appellat. In eandem quoque significationem ponitur fiscella. Virgilius, -et gracili fiscellam textit ibisco.

Ibiscum autem, ut id etiam dicamus, uocat uirgas oblongas, quæ detractis ex althæa (hoc est bismalua, Guimanne) folijs curuari solent, et in fiscellarum contextum applicari. Nam et ibiscum, siue ebiscum althæam appellari contendit Dioscorides.

Corbis, uas uimineum quo messorès utebantur. Cic. pro Sextio, Messoria se corbe contextit. Propertius libro 4,

Corbis in imposito pondere messor eram.

Huius diminutiui, Corbula. hinc Corbulas Amerinas dixit Cato, ex salice Amerina contextas: iuxta enim Ameriam Umbriæ urbem salices præstantissimæ crescere solebant.

Panarium, uas uimineum, quo panes deferuntur

D.ij.

ad mensam, qui mos adhuc hodie in plerisque Italiae locis perdurat. Statius,

Hi panaria, candidasque mappas
Subnectant, epulasque lautiores.

Suetonius in Caligula, Sparsit & missilia uariarum rerum, & panaria cum obsonio uiritum diuisit. Panariolum pro eodem. Martialis,

Cum panariolis tribus redisti.

Vannus, fœmunum, uas latum in cœchæ formam contextum, quo frumenti & auenæ paleæ expurgantur. Columella, ipsæ autem spicæ melius fustibus tunduntur, uannis expurgantur. nonnulli cribrum cereale uocant.

Cophinus, quem Græci κόφινον dicunt, nos, Vng cophin, Priscianus corbem interpretatur: à leuitate dictus est: significatque apud nos, tum uas ipsum uimineum, tum etiam mensuram ipsam, uel frumenti, uel auenæ, aut alterius rei. Iuuenalis in sexta,
Cum dedit ille locum cophino, fœnóque relicto.

Infinita pene alia sunt uasculorum genera, quæ hîc à nobis non enumerantur hoc loco: neque enim, ut uerum fateamur, nobis Latina omnia nonnulla, nedum Græci ipsa uocabula, sunt usque adeo comperta, ut de ijs statuere quidquam possimus. Sed neque id quidem uelimus Lector, ut quæcunque præter Bayssij aut Budæi iudicium à nobis posita sunt, ea omnia arcana esse credas, nisi tibi exempla faciant satis: quod si id quidē minus fecerint, nihil est in hoc libello, quod non tuo & eruditiorum omnium iudicio subiaceat.

INDEX LATINARVM ET GALLICARVM dictionum, quæ in hoc libello passim consper- sæ & declaratæ inueniuntur.

A			
æ ABgneticum	11.14	Calices fictiles	29
Æneum	31	Calices vitrei	18
Ahena	13	Calpis	39
Ahenum	31	Candelabrum	44
Ahenulum	31	Canister	50
Alabaster	41	Canistrum	31
Alabastrites lapis	11	Cantharus	31
Albastre	11	Capedines	30
Amphicypellum	30	Capeduncula	30
Amphithetum	29	Caque	31
ex Amphitheto bibisti		Carchesium	29
29		Cassiterina vasa	16
Amphora	31	Cassiteron	16
Ampullæ	41	Catinus	24
Amula	41	Chandelier	44
Anthlia	41	Chaulderon	12.45
Armillum	41	Chaufeteste	46
Artolagani	13	Cheopina	36
Asyntheta	29	Chœnix	31
Assiettes	26	Chopine	36
Aualler	5	Chrysendeta	10
Aula	44	Chus	40
Auræ crustæ	10	Ciborium	17
Aureus guttus	9	Cirnea	31
B		Cissimbium	18
Bassin a lauer les mains		Cista	49
39		Cistella	49
Bassin a lauer les pieds		Cistifer	42
39		Claré	23
Benoistier	40	Coculum	47
Betula	17	Colum niuarium	41
Bignetz	46	Concha	42
Boesseau	31	Congius	33
Boette	41	Cophin	51
Bouleau	17	Cophinus	51
Bouteille	31	Coquemart	31
Bractearil	6	Corbeille	50
Broche	46	Corbis	51
Brochus	31	æ Corinthium	13
Buffer	6	Coulouer	41
Burin	7	Coupe	17
C		Coupe d'argent	11
Cabatz de figues	10	Coupe dor	9
Caccabus	45	Crater	31
Cadus	31	Cratera	39
Calata vasa	7	Cruche	39
Calum	7	Cruches de Beauuays	31
Calathus	30.49	Crusta	10
Calathiscus	49	Crustata vasa	10
Calathisci scium	50	Crustularii	19
Calice	29	Crystallum	19
Calix	29	Culeus	31
		Culligna	31
		Culull	30
		Cuppa	11.14
		Cuprum	14
		Cuue	14
		Cyathisso	18
		Cyathus	17.18
		Cybium	35
		Cymbia	11
		Cymbium	30
		Cypellum	23
		Cyphus	29
		æ Cyprium	14
		D	
		Deliaca supellex	13
		æ Deliacum	13
		Demi boesseau	35
		Demi sestier	36
		Diota	37
		Discus	18
		ære Dodoneo loqua-	
		clor	45
		Dolia	14
		Dolia picata	14
		Dolia ventrosa	14
		E	
		Efflores	11
		Efformatores	11
		Ellychnion	42
		Emblema	10
		Entree de table	13
		Escalisse	51
		Escuelle	16
		Esquiere	40
		Estamine	41
		Exanthlare	45
		F	
		Fagus	17
		Ferculum	16
		Fidilia	11
		Fidelia	16
		Fillette	16
		Fiscina	51
		Frixorium	46
		G	
		Gabatz	16
		Gasteaux fueilletez	13
		Goutteron	39
		Guttus	31.40
		M	
		Hanap	35
		Haurire	5.9
		Hemixestes	16
		Mumer	5

Hydria	39	Paropis	16	Seriz	37.38
I		Patella	15.46	Sestier de vin	33
Inauratores	6	Patera	19	Sextarium	43
Incrustare	10	Patera aurea	9	Sigilla	10
Incrustata vasa	10	Patina	35.45	Sigillata vasa	10
L		Peluis	39	Signa Corinthia	11
Labra athena	14	Pelluuium	39	Simpullum	30
Labra lupinaria	11	Phiala	40	Solium	11
Labrum	11	Phiolle	41	Solium argenteum	12
Lagena	31	Pila	42	Species aris	13
Lampe	43	Pilon	42	Sports	50
Lanx	23	Pincernæ	18	Stannum	35.16
Lanx argenteus	11	Pinta	36	Suturniam	39
Lâces chryseidetz	10.14	Pinte	36	T	
Lebes	45	Pippe	35	Taillovers	16
Lechytus	41	Pisillum	47	Tasse	19
Linter	34	Pityna	36	Tasse dor	9
Lucanica	33	Pyxis	43	Ternarium	36
Lucerna	43	Plat	13	Tinne	11
Lychnus	43	Plat creux	14	Tinne de cuyure	14
Lycnuchi	43	Plat dargent	11	Torcumara	7
M		Poalle	46	Torentice	6.7
Magis, magidis	15	Pocula	37	Tornatille buxum	17
Maiorica	16	Poculum aureum	9	Tornus	7
Malluuium	39	Pollubrum	40	Tournouer	7
Marmite	45	Porte pennier	49	Trepier	45
Matella	47	Pot de trois chopines	36	Tripus, Tripus	45
Matellio	14.47	Potaige	44	Trulla	40.41
la Meche	41	Potelet	44	Trullum	40
Medimnus	35	Potiers de terre	11	V	
Mentor	7	Potz a soupe	15	Vannus	52
Mesnaige darain	13	Potz de Beauuays	13	Vaisseau	5
Mistarius	40	Potz de terre	11	Vaisseau de bois	17
Modius	35	Promulsis	13	Vaisseau de fonte	14
Modiolus	19	Pulmentum	44	Vaisseau entaille	9
Mortaria lapidea	11	Puls	44	Vaisseau ouurex	7
Mortarium	47	Puree	44	Vaiselle darain	13
Mortier	47	Q		Vaiselle dargent	11
Mortier de cuyure	14	Quadræ	16	Vaiselle destain	15
Murrhinum	10	Quadrantal	34	Vaislelet	6
Murrhina pocula	19	Quallus	50	Vas	5
Murrhina vasa	10	Quartarium	36	Vas vnguentarium	11.12
Muy	35	Quarte	36	Vasa ærea	19.14
O		R		Vasa ænea	13
Obsonator	14	Repositoria argentata		Vasa athena	13
Obsonium	14	S		Vasa alabastrina	13
Obnophorum	33	Rudia vasa	11	Vasa anaglypha	11
Olla	44	Saliera	47	Vasa aquaria	38
Olla iuscularia	15	Salinum	47	Vasa Aretina	11
Ollula	44	Sartago	46	Vasa argentea	11
Olex	13	Scaphia argentea	11	Vasa aurea	8
Oliues	13	Scaphis	47	Vasa Bellouaca	13
Onyx	10	Scaphium	47.41	Vasa Betulina	17
Orbateurs	6	Scutula	16	Vasa celata	9
Orbes	16	Scyphus	17	Vasa constallia	14
Orca	37	Scyphus argenteus	11	Vasa coquinaria	13.44
P		Scyphi sigillati	13	Vasa Corinthia	13.14
Panarium	51	Segana	47	Vasa crystallina	13.19
Panes tiganitz	46	Semis semissis	36	Vasa culinaria	44
Paramentum	10			Vasa Deliaca	13

Vasa cſcaria	31	Vafa pura	20	Vafculum	0
Vafa ſcillia	21	Vafa ſamia	21	Veru	46
Vafa hederacea	17	Vafa ſtannea	15	Veruculum	46
Vafa lapidea	10	Vafa vinaria	31	Vimen	42
Vafa lignea	17	Vafa viminea	43	Vitra filicea	18
Vafa murrhina	19	Vafa vitrea	12	Vrecoꝝ	92
Vafa olcaria	41	Vaſorum appellationes	1	Vrecolus	98
Vafa plumbea	16	variz	2	Vrinal	42
Vafa potoria	18.17	Vaſarium	6	Vrna	99
Vafa promulſidaria	13	Vaſcularius	6		

EXCVDEBAT ROB. STEPH A-
 NVS TYPOGRAPHVS RE-
 GIVS, PARISIIS, AN.
 M. D. XLIIIL XIII.
 CA L. OCTOB.

1000

7

100

C



